

ՅԵՂԱՍԴԱՆՈՒԹՅԱՆ ՓԱՍՏԱԳՐՈՒԹՅՈՒՆ

ՀԱՅԵՐԻ ԿՈՏՈՐԱԾՆԵՐՆ ՈՒ
ԻՆՔՆԱՊԱՇՏՊԱՆԱԿԱՆ ՄԱՐՏԵՐԸ ՆՈՒՒՒ ԵՎ
ԱՐԵՇ ԳԱՎԱՌՆԵՐՈՒՄ 1918-1920ԹԹ.
ԳԵՎՈՐԳ ՍՏԵՓԱՆՅԱՆ

Հայ ժողովրդի դարավոր պատմության մեջ ամենաողբերգական ժամանակաշրջանն է համարվում XIX դարի երկրորդ հիսնամյակը և XX դարի առաջին երկու տասնամյակները, քանզի այդ ընթացքում մշակվեց և իրագործվեց Հայոց ցեղասպանությունը:

Երիտթուրքերի հայաջինջ քաղաքականությունը Առաջին աշխարհամարտի տարիներին չսահմանափակվեց միայն արևմտահայերի 1915-1916թթ. զանգվածային կոտորածներով ու տեղահանությամբ: Արևմտահայությանը քնաջընջելու քաղաքականությունը շարունակվեց իրականացվել նաև արևելահայերի նկատմամբ, 1918-1920թթ.: Այդ ժամանակահատվածում Թուրքիայի և մուսավաթական Ադրբեջանի կողմից կոտորածի ու տեղահանության ենթարկվեց նաև Ելիզավետպոլի նահանգի Կուր գետի ձախափնյակում գտնվող Նուխի և Արեշ գավառների տեղաբնիկ հայությունը: Այդ գավառներում իրականացված հայերի ջարդը, տեղահանությունն ու զաղթահայության կրած տառապանքներն ամենաողբերգական էջերից են հայոց նորագույն ժամանակաշրջանի պատմության մեջ, ողբերգական՝ թե՛ իրենց ծավալներով, թե՛ հետևանքներով: Տասնամյակներ ի վեր լռության էր մատնված հայության այդ հատվածի կոտորածների պատմությունը, քանզի բոլշևիկյան զաղափարախոսության մենատիրության պայմաններում արգելված էր խոսել Ադրբեջանում հայերի ցեղասպանության մասին:

Երկու գավառների 53 հայկական գյուղերում նախքան կոտորածները հայ բնակչության թիվն անցնում էր 50 հազարից:¹ 1917թ. փետրվարյան հեղափոխությունից հետո, Թուրքիան, օգտվելով Ռուսաստանում տիրող քաղաքական անկայուն իրավիճակից, Անդրկովկասում է՛լ ավելի ծավալեց համաթուրքականության (պանթուրքիզմ) քարոզչությունը:² Անդրկովկասում համաթուրքական քարոզչության նպատակով դեռևս 1913թ. «Միություն և առաջադիմություն» կուսակցությունը Բաքվում, Թիֆլիսում և Նուխիում ստեղծել էր կուսակցական տեղական կոմիտեներ:³ Երիտթուրքերի հենարանը Ադրկովկասում «Մուսավաթ» կուսակցությունն էր, որը ջանք չէր խնայում արագացնել թուրքական ներխուժումը Անդրկովկաս:⁴ Կովկասյան թաթարների միահամուռ հակում-

ները դեպի Թուրքիան քացահայտ բնույթ էին կրում:

Չենք ձեռք բերելու, թուրքերի առաջխաղացումն արագացնելու և քիկուճքում անիշխանություն ստեղծելու նպատակով թաթարների առաջին քայլերից մեկը ռազմաճակատներից վերադարձող ռուս զինվորական գնացքների վրա կատարվող ավազակային հարձակումներն էին: Այդ գործողությունները ղեկավարում էր Ելիզավետպոլում այդ օրերին իր գործունեությունը սկսած՝ Մուսուլմանական հասարակական կոմիտեն:⁵ Անդրկովկասի թաթարներին զինելու ուղղությամբ մեծ աշխատանք էին կատարում Թուրքիան և Գերմանիան՝ զենք զնելու նպատակով մեծ զուամարներ ուղարկելով Անդրկովկաս:⁶ Ըստ գեներալ Կուլեբյակինի՝ Ելիզավետպոլի մահաճգում համարյա ամբողջ մահմեդականությունը զինված էր:⁷

Անդրկովկասում և, մասնավորապես, Նուխի. Արեշ գավառներում համաթուրքականության քարոզչության ծավալման, միաժամանակ՝ մուսավաթի վարած հակահայ քաղաքականության հետևանքով թաթարների տրամադրվածությունը հայ բնակչության նկատմամբ կտրուկ փոխվեց: Օգտվելով այն իրավիճակից, որ Առաջին աշխարհամարտի սկզբից Նուխի-Արեշի հայ երիտասարդությունը զանգվածաբար գորակռչվել էր գործող բանակ, և գյուղերում մնացել էին քացառապես կանայք, ծերունիներ ու երեխաներ, թաթարների ավազակախմբերը նպատակադրվեցին հարձակվել անպաշտպան մնացած հայկական գյուղերի վրա: Ոգեշնչված թուրք էմիսարների հակահայկական կոչերով՝ թաթարները 1917թ. հոկտեմբերից սկսեցին անարգել սպանել և կոտորատել Նուխի-Արեշի՝ մահմեդական գյուղերով շրջապատված Ջաֆարաբադ, Օթմանլու, Չուխխու, Ջուջամիշ, Վարդանլու, Հավարիկ և հայկական մյուս գյուղերի անգնե բնակչությանը:⁸ Թաթարների քարոքառությունների հետևանքով երկու գավառներում 1917թ. հոկտեմբերից մինչև 1918թ. մայիսն ավերվեց 16 հայկական գյուղ, տեղահան եղան 6252 հայ:⁹

Հաշվի առնելով ստեղծված վտանգավոր իրավիճակը, գավառներում ինքնապաշտպանությունը կազմակերպելու նպատակով Բաքվի Հայոց ազգային խորհրդի, Հայոց ազգային կենտրոնական խորհրդի, Թիֆլիսում գործող Նուխի-Արեշի հայրենակցական ժամանակավոր կոմիտեի (նախագահ՝ Ս. Շխյան) և Հայկական առանձին բանակային կորպուսի հրամանատար Թ. Նազարբեկյանի ջանքերով Կովկասյան և Արևմտյան ռազմաճակատներից Թիֆլիս վերադարձած նուխեցի և արեշցի 700 զինվորներից հայկական կորպուսի կազմում ձևավորվեց Նուխիի առանձին հրաձգային 4-րդ գումարտակը:¹⁰ Սկզբնական շրջանում գումարտակի հրամանատարն էր գեղապետ Ա. Հովսեփյանը¹¹, որին հետագայում փոխարինեց գեղապետ Ի. Բրեդիսը:¹² Սակայն գումարտակը ոչ ճիշտ ընտրված ղեկավարության և կարգապահության թուլացման պատճառով իր վրա դրված խնդիրը չկարողացավ կատարել: Չստեղծվեց ինքնապաշտպանական միասնական ճակատ, որի պատճառով հայկական գյուղերը հետագայում ևս ենթարկվեցին կոտորածների:

Հայահալած քաղաքականությունը գավառներում զանգվածային բնույթ ստացավ 1918թ. մայիսից, երբ թուրքական զորքերը, վերագրավելով Արևմտյան Հայաստանը, արշավեցին Անդրկովկաս: Այդ արշավանքով փորձ էր արվում իրականացնել համաթուրքականության ծրագրով նախատեսված Օղուզական պետության ստեղծումը, որը պետք է ընդգրկեր Թուր-

քիան, Աղրբեջանը, Պարսկական Ատրպատականը և Թուրքմենստանը:¹³ Օղուզական պետության ստեղծման առաջին քայլը՝ Սև ծովից մինչև Կասպից ծով (Բաքուից մինչև Բաքու) ընկած տարածքում Թուրքական նոր պետության՝ «Մեծ Աղրբեջան»-ի ստեղծումն էր, որը պետք է կամրջեր Թուրքիային՝ Կովկասի և Միջին Ասիայի թրքախոս ժողովուրդների հետ:¹⁴ Այդ ծրագիրը պետք է իրականացվեր արևելահայության կոտորածների, բռնի մահմեդականացման ու տեղահանության ճանապարհով:

Անդրկովկաս արշավող թուրքական զորքերն, անհաջողություն կրելով մայիսյան հերոսամարտերում, արշավեցին Բաքու: Մայիսի վերջերին թուրքական երկրորդ զորախումբը Նուրի փաշայի գլխավորությամբ արդեն գտնվում էր Գանձակում, ուր այդ օրերին թուրքական հրամանատարության և Գանձակում եղող Աղրբեջանի նորաստեղծ կառավարության ու «Մուսավաթ» կուսակցության գործիչների գաղտնի խորհրդակցությունում վերջնականապես մշակվեցին Կուր գետի ձախափնյակի՝ Նուխիի, Արեշի, Գյոլչայի, Շամախու և Բաքվի հայերի կոտորածների ծրագրերը:¹⁵ Այս առումով ուշագրավ է հետևյալ փաստը. Աղրբեջանի ներքին գործոց նախարար Բ. Ջիվանշիրի ահաբեկիչ Մ. Թոռլաքյանի՝ 1921թ. հոկտեմբերին կայացած դատավարության ընթացքում Գր. Ամիրյանը հրապարակեց կոտորածներից առաջ Ջիվանշիրի կողմից Նուխիի, Արեշի, Շամախու և Բաքվի քաղաքապետերին տրված գաղտնի հրամանը, որտեղ ասված էր. «Անհրաժեշտ է ոչնչացնել հայերը, ամոռն դիակների վրայեն անցնելու մեր նպատակներուն հասնելու համար: Մի խնայեք ոչ ոքի և հավատարմորեն կատարեցեք ձեզի տրված հրահանգները»:¹⁶ Ուշագրավն այս փաստաթղթում այն է, որ հայ բնակչությանը կոտորելու մուսավաթ ղեկավարի հրահանգը հար և նման է 1915-1916թթ. արևմտահայերի կոտորածների ժամանակ Թալեաթի, Էնվերի և երիտթուրքական մյուս ղեկավարների հրահանգներին: Եթե Արևմտյան Հայաստանում հայերի բնաջնջումն իրականացնում էին «Թեշքիլաթ-ը մահսուսե»-ի (հատուկ կազմակերպություն) հրոսակախմբերը, ապա Նուխիում և Արեշում այդ նպատակով գործում էր «Ջալալադ կոմիտասի» (ղահիճների կոմիտե) կազմակերպությունը:¹⁷ Դրանով իսկ մեկ անգամ ևս փաստվում է այն իրողությունը, որ արևելահայերի 1918-1920թթ. կոտորածների ժամանակ երիտթուրքերի, հետագայում նաև քեմալականների ու մուսավաթականների միջև գոյություն ունեւ գաղափարական և գործնական սերտ համագործակցություն:

Թուրքական հրամանատարությունը, կանխագգալով, որ նախքան կոտորածները Նուխի-Արեշի հայ բնակչությունը կարող է գաղթել ապահով վայրեր, Նազիմ փաշայի միջոցով հրապարակեց կոչ՝ ուղղված վերոհիշյալ գավառների հայերին, որում, մասնավորապես, ասվում էր. «...առանց տեղներից շարժվելու [հայերը] աներկյուղ սրտով իրենց սովորական գործերովը զբաղվին, որ Օսմանյան բանակը խաղաղ ազգաբնակչությանը ձեռք տալու նպատակ ու ցանկություն չունի»:¹⁸ Պատմությունը կրկնվում էր: Այսպես կոչված խաղաղասիրական կոչերով թուրքական կառավարությունը հանդես էր գալիս նաև 1915թ., նախքան արևմտահայության կոտորածները, և ցավալին այն էր, որ դրանից հետո էլ արևելահայերի մի մասը դեռևս հավատում էր թուրքերի կեղծ խոստումներին: Թուրքական զորաջոկատները, նրանց միացած տեղի թաթարական ավազակախմբերը 1918թ. հունիսի 5-ին զրապելով Նուխի քաղաքը նենգորեն զինաթափ արեցին քաղաքի հայ բնակչությանը, իսկ հունիսի 13-ին վայրենաբար կոտորեցին

հայերին, կողոպտելով ու այրելով նրանց պատկանող տները:¹⁹ Թուրք-թաթարական բարբարոսությունները շարունակվեցին նաև Միրզաբեկյու, Այդին-Բուլաղ, Աղփիլաքյան, Չարդաթ, Սաքաթլու և այլ գյուղերում:²⁰

Բաքվի ինքնապաշտպանությունը վճռորոշ նշանակություն ուներ ինչպես Նուխի, Արեշ, Գյոնչա և Շամախի գավառների, այնպես էլ Բաքվի հայության հետագա ճակատագրում: Մակայն հունիսի 27-30-ը Գյոնչա քաղաքի մոտ տեղի ունեցած ծանր մարտերից հետո, Բաքվի կոմունայի զինված ուժերը, որոնք հիմնականում կազմված էին հայ սպաներից ու զինվորներից, բանակի գերագույն հրամանատարության թույլ տված մարտավարական սխալների և թուրքական զորքի հակահարձակման պատճառով նահանջեցին, ինչը բացասաբար անդրադարձավ հետագա ռազմական գործողությունների վրա, և ձախողվեց ինքնապաշտպանական ծրագիրը:²¹ Գյոնչայից Բաքվի զորքի նահանջն առիթ տվեց թուրք-թաթարների նորանոր բարբարոսությունների: Թուրքական զորաջոկատները, նրանց միացած թաթարական ավագակախմբերը, օգտվելով հայկական գյուղերի ինքնապաշտպանական միասնական ճակատի բացակայությունից, հուլիսի 1-ից անմկարագրելի կոտորածի ու տեղահանության ենթարկեցին Ամիրվան, Գիրդաղյուլ, Ծիրիկ, Թոսիկ, Բլեղ, Ալար, Չարդաթ, Ջորլու, Ջուջամիշ, Օրաբան, Նիժ և հայկական մյուս գյուղերի հայությանը:²²

Օրհասական այդ օրերին հայկական մի շարք գյուղեր դիմեցին ինքնապաշտպանության: Հիշադրան են Դայաբաշի, Դոզլու և Գյոնչա գավառի Վանք գյուղերի (Վանքի ինքնապաշտպանների թվում էին նաև Արեշի գավառի Միրք-Ենգիջա, Ջորլու, Բլեղ, Ծիրիկ, Թոսիկ և Բեզլաբաշեն գյուղերի հայերը) ինքնապաշտպանական մարտերը: Դայաբաշի գյուղը պաշարված վիճակում մեծաքանակ թշնամու դեմ ինքնապաշտպանական մարտեր էր մղում դեռևս հունիսի կեսերից և համձնվեց Նուխիի զումարտակի հրամանատար զեդայետ Բրեղիսի դավաճանական փախուստի և ուժերի թուլացման պատճառով: Թուրքերը, մտնելով գյուղ, անխնա կոտորեցին հայերին և հրդեհեցին գյուղը:²³ Կոտորածները զարհուրելի էին, մասնավորապես, Յաղուրի գյուղում, ուր թուրք-թաթարները զազանաբար այրեցին 600 հայի:²⁴ Փրկված հայերը, գավառների ընդհանուր կոմիսար Գ. Տեր-Գրիգորյանի գլխավորությամբ, անցնելով Ալազան գետը, զաղթեցին Վրաստանի՝ Ադրեջանին սահմանակից Մղնախի գավառ՝ ճանապարհին սրածվելով թուրք-թաթարական ավագակախմբերի կողմից: Միայն Ալազան գետն անցնելիս խեղդվեցին 700 կին և երեխա:²⁵

Մղնախի գավառում գաղթականներից 5000-ը տեղավորվեցին Յարսկիե-Կոլոդցիում, 3000-ը՝ Սվեչինո, 5000-ը՝ Վերին Կեդի և 10000-ը՝ Ներքին Կեդի գյուղերում:²⁶ Թուրքական զորքերը, ամբողջովին զրավելով գավառները, բարբարոսաբար սկսեցին ավերել և կողոպտել հազարամյակների պատմություն ունեցող հայկական գյուղերը, եկեղեցիներն ու պատմա-ճարտարապետական հուշարձանները: Կոտորածներն ու բռնությունները շարունակվեցին նաև օգոստոսին: Միայն Դայաբաշի գյուղում կոտորածի ենթարկվեցին 120 երիտասարդ:²⁷

Օրհասական օրեր էին ապրում նաև Մղնախի գավառում տեղավորված գաղթականները, որոնք, զրկված լինելով ապրուստի և սանիտարական տարրական միջոցներից, տարափոխիկ հիվանդությունների պատճառով ունեցան մեծաթիվ կորուստներ: Ավելին, վրացական կառավարությունը գաղթահայության նկատմամբ վարելով անհանդուրժողական քա-

ղաքականություն, հակառակ Վրաստանում Հայաստանի հանրապետության դիվանագիտական ներկայացուցիչ Ա. Ջամալյանի և հայ հասարակական ու քաղաքական կազմակերպությունների խնդրանքներին՝ որոշեց գավառը դատարկել գաղթականներից:²⁸ Օգոստոսի 4-ին վրաց պահակազինվորները գավառային կոմիսար Տկմալաձեի ղեկավարությամբ գաղթահայությանը բռնությամբ տեղափոխեցին Ալազանի ափ, ուր նրանք կրկին ենթարկվեցին թուրք-թաթարների ավազակային հարձակումներին, տալով մեծաթիվ կորուստներ:²⁹ Շուրջ երկու ամիս Սղմախի գավառում և Ալազանի հովտում տարափոխիկ հիվանդությունների և թուրք-թաթարների ավազակային հարձակումների հետևանքով անթիվ զոհեր տալուց հետո, Նուրի փաշայի թույլտվությամբ սեպտեմբերի սկզբներին 10000-ի հասնող գաղթականներին տեղափոխեցին Նուխի-Արեշ:³⁰ Թեև Նուրի փաշան «խոստումներ» և «երաշխիքներ» էր տվել՝ գավառներում գաղթականների կյանքն ու գույքն ապահովելու մասին, այդուհանդերձ նրանց կրկին ենթարկեցին կոտորածի, որն ավելի զարհուրելի ձևերով իրականացվեց սեպտեմբերի 15-ին Բաքում գրավելուց հետո:³¹ Թուրք-թաթարների վայրագությունները շարունակվեցին հունիս-հուլիսյան կոտորածներից մասամբ փրկված Նիժ, Վարդաշեն, Ճալեթ, Ծիրիկ, Թոսիկ, Մեծ և Փոքր Սոկուրլու գյուղերում:³² Նուխի-Արեշի հոգևոր վարչության վիճակագրության համաձայն 1918թ. հունիս-սեպտեմբերյան կոտորածներից հետո 50192 հայերից մնացել էին 15373-ը:³³

Գավառների հայերի զոդգոթան դրանով չավարտվեց: Պատերազմում Թուրքիայի պարտությունից և թուրքական զորքերի՝ Անդրկովկասից հեռանալուց հետո, Ադրբեջանական իշխանությունները, առաջնորդվելով երիտթուրքերին փոխարինած քեմալականների հայաջինջ ծրագրերով և «Ադրբեջանը՝ ադրբեջանցիներին» կարգախոսով, 1919-1920թթ. գավառներում շարունակեցին հալածանքների, կոտորածների և բռնի մահմեղականացման քաղաքականությունը՝ հայկական դատարկված գյուղերը վերաբնակեցնելով թաթարներով և լեզգիներով:³⁴

Հայաստանի հանրապետության կառավարությունը, մտահոգված գավառներում մնացած հայերի հետագա ճակատագրով, 1919թ. հունիսի 24-ին որոշեց՝ նրանց տեղափոխել Հայաստանի Հանրապետություն և բնակեցնել Էջմիածնի, Սուրմալուի և Արարատի շրջաններում:³⁵ 1919թ. օգոստոսից 1920թ. հունվարը ներգաղթեցին 3255 հոգի:³⁶

Տակավին շարունակվում էր ներգաղթը Հայաստանի Հանրապետություն, երբ Ադրբեջանի կառավարության թողտվությամբ 1920թ. մարտ-ապրիլ ամիսներին Նիժ, Վարդաշեն և Ճալեթ գյուղերում կազմակերպվեցին նոր կոտորածներ, որոնց զոհ գնացին շուրջ 500 հայ և ուտի:³⁷

1918-1920թթ. մղձավանջից հետո Սուրմալուի գավառում հաստատված գաղթականությունը, որն արդեն անցել էր խաղաղ և ստեղծագործ աշխատանքի, 1920թ. սեպտեմբերին թուրքական զորքերի հարձակման և Սուրմալուի գավառը գրավելու պատճառով տեղահան եղավ և խուճապահար գաղթեց Հայաստանի հանրապետության տարբեր վայրեր:³⁸ Գաղթականների մի մասը հաստատվեց Երևան քաղաքում, հիմնելով Նոր-Արեշ և Վարդաշեն թաղամասերը:

Այսպիսով, 1918-1920թթ. Նուխի և Արեշ գավառներում կոտորածներից և ավերվեցին 53 հայկական գյուղ, 50000-ից ավել հայերից զոհ գնացին շուրջ 40000-ը: Քարուքանդ արվեցին տասնյակ եկեղեցիներ, դպրոց-

ներ, ավերվեցին պատմամշակութային մեծարժեք հուշարձաններ: Նյութական կորուստները հարյուրավոր միլիոնների էին հասնում:¹⁹

Նուխի և Արեշ գավառներում 1918-1920թթ. Թուրքիայի և Ադրբեջանի կիրառած մամա քաղաքականությունը հարկ է դիտել որպես 1915-1916թթ. արևմտահայերի ցեղասպանության շարունակություն, քանզի Հայոց ցեղասպանությունը, որպես քաղաքական հիմնահարց, թե՛ իր աշխարհագրական ընդգրկմամբ (Բաքվից, Նուխի-Արեշից, Լեռնային Ղարաբաղից մինչև Կիլիկիա) և թե՛ պատմական իմաստով պետք է դիտել որպես համաթուրքականության ամբողջական ծրագրի իրականացման հետևանք:

Նուխի և Արեշ գավառներում Ադրբեջանի իշխանությունների հայահալած քաղաքականությունը շարունակվեց մահ խորհրդային իշխանության տարիներին, իսկ 1988-1989թթ. բռնազաղթի հետևանքով վերջնակետ դրվեց այդ շրջանների հայերի մաքառումներով ու հերոսապատումներով լի պատմությանը:

ՄԱՆՈԹԱԳՐՈՒԹՅՈՒՆՆԵՐ

- ¹ Հայաստանի Հանրապետության պատմության պետական կենտրոնական արխիվ (այսուհետև՝ ՀՀ ՊՊԿԱ), ֆ. 245, ց. 1, գ. 8, ք. 55:
- ² ՀՀ ՊՊԿԱ, ֆ. 121, ց. 1, գ. 29, ք. 3:
- ³ Մարգարյան Ե. Թուրքիան և մրա նվաճողական քաղաքականությունը Անդրկովկասում 1918թ., Երևան, 1964, էջ 105:
- ⁴ Ավետիսյան Հ. Երիտասարդ թուրքերի և մուսավաթի համաթուրքական գործակցությունը և հակահայկական ռմբազորությունները 1918թ., ՊԲՀ, Երևան, 1991, թիվ 1, էջ 47:
- ⁵ ՀՀ ՊՊԿԱ, ֆ. 121, ց. 2, գ. 94, ք. 96:
- ⁶ Ավետիսյան Հ. Հայոց ազգային միասնության հաղթանակը (1918 թվականի մայիս), Երևան, 1988, էջ 43:
- ⁷ ՀՀ ՊՊԿԱ, ֆ. 121, ց. 1, գ. 26, ք. 18:
- ⁸ ՀՀ ՊՊԿԱ, ֆ. 245, ց. 1, գ. 12, ք. 1, մահ ֆ. 224, ց. 1, գ. 24, ք. 19:
- ⁹ «Աշխատավոր», մայիսի 21, 1918, թիվ 49, մահ «Մշակ», մայիսի 17, 1918, թիվ 86:
- ¹⁰ ՀՀ ՊՊԿԱ, ֆ. 221, ց. 1, գ. 24, ք. 20, մահ ֆ. 245, ց. 1, գ. 3, ք. 11, 24:
- ¹¹ ՀՀ ՊՊԿԱ, ֆ. 223, ց. 1, գ. 24, ք. 1:
- ¹² ՀՀ ՊՊԿԱ, ֆ. 245, ց. 1, գ. 3, ք. 3:
- ¹³ Зарезанн. Турция и Пактыранизм, Парж, 1930, стр. 92.
- ¹⁴ «Հորիզոն», հոկտեմբերի 30, 1918, թիվ 222:
- ¹⁵ «Աշխատավոր», մարտի 29, 1919, թիվ 61:
- ¹⁶ Ավ, Միսակ Թուրքյան. Յեղափոխական ալպում (Ազատագրական պայքարի յուշամատյան), Բեյրութ, 1970, հ. 8, թիվ 1-2, էջ 84-85:
- ¹⁷ ՀՀ ՊՊԿԱ, ֆ. 245, ց. 1, գ. 12, ք. 7:
- ¹⁸ Գեղամյան Ե. Տաճիկները Կովկասում և Պազուի անկումը, պր. 2, Պազու, 1919, էջ 136:
- ¹⁹ «Հորիզոն», հունիսի 20, 1918, թիվ 119, մահ հունիսի 27, թիվ 125:
- ²⁰ ՀՀ ՊՊԿԱ, ֆ. 221, ց. 1, գ. 60, ք. 82-106:
- ²¹ ՀՀ ՊՊԿԱ, ֆ. 121, ց. 2, գ. 94, ք. 5-6, մահ «Արև», հունիսի 21, 1918, թիվ 117:
- ²² ՀՀ ՊՊԿԱ, ֆ. 245, ց. 1, գ. 5, ք. 10, մահ ֆ. 221, ց. 1, գ. 84, ք. 49:
- ²³ ՀՀ ՊՊԿԱ, ֆ. 221, ց. 1, գ. 250, ք. 2, մահ ֆ. 278, ց. 1, գ. 8, ք. 45, մահ «Հորիզոն», հուլիսի 13, 1918, թիվ 137:
- ²⁴ ՀՀ ՊՊԿԱ, ֆ. 221, ց. 1, գ. 250, ք. 2, մահ գ. 354, ք. 13-14, մահ «Հորիզոն», սեպ-

տեմբերի 18, 1918, թիվ 188:

²⁵ ՀՀ ՊՊԿԱ, ֆ. 245, ց. 1, գ. 12, թ. 1, մաս «Հորիզոն», հուլիսի 10, 1918, թիվ 134:

²⁶ ՀՀ ՊՊԿԱ, ֆ. 276, ց. 1, գ. 8, թ. 86:

²⁷ «Հորիզոն», սեպտեմբերի 18, 1918, թիվ 188:

²⁸ ՀՀ ՊՊԿԱ, ֆ. 245, ց. 1, գ. 12, թ. 1:

²⁹ ՀՀ ՊՊԿԱ, ֆ. 276, ց. 1, գ. 55, թ. 7-8, գ. 13, թ. 213, գ. 14, թ. 50-55:

³⁰ ՀՀ ՊՊԿԱ, ֆ. 245, ց. 1, գ. 12, թ. 1, մաս ֆ. 276, ց. 1, գ. 14, թ. 64:

³¹ ՀՀ ՊՊԿԱ, ֆ. 276, ց. 1, գ. 13, թ. 24, մաս «Հորիզոն», սեպտեմբերի 23, 1918, թիվ 192:

³² ՀՀ ՊՊԿԱ, ֆ. 221, ց. 1, գ. 329, թ. 54:

³³ ՀՀ ՊՊԿԱ, ֆ. 245, ց. 1, գ. 12, թ. 2:

³⁴ ՀՀ ՊՊԿԱ, ֆ. 245, ց. 1, գ. 14, թ. 12, մաս "Наше время", 15 апреля, 1920, N 20:


³⁵ ՀՀ ՊՊԿԱ, ֆ. 199, ց. 1, գ. 64, թ. 71, մաս ֆ. 202, ց. 1, գ. 597, թ. 39:

³⁶ ՀՀ ՊՊԿԱ, ֆ. 245, ց. 1, գ. 7, թ. 21-24, մաս ֆ. 205, ց. 1, գ. 599, թ. 12-17:

³⁷ ՀՀ ՊՊԿԱ, ֆ. 245, ց. 1, գ. 7, թ. 9, մաս "Наше время", 18 апреля, 1920, N 20:

³⁸ ՀՀ ՊՊԿԱ, ֆ. 114, ց. 2, գ. 46, թ. 51, 64:

³⁹ Կարապետյան Մ. Հովհ. Թումանյանը Հայկական կոտորածի մասին, ՊԲՀ, Երևան, 1987, թիվ 2, էջ 244:



Резюме

Погромы армян и их самооборона
в Нухинском и Арешском уездах в 1918 и 1920 гг.

Геворг Степанян

В Закавказье, особенно в прибрежных районах реки Куры, погромы армян носили неслучайный характер. Этим путем младотурки хотели осуществить одну из задач пантюркистской программы – под протекторатом Турции создать “Великий Азербайджан”. Резня армян Нухинского и Арешского уездов была продолжением политики Геноцида западных армян 1915-1916 гг.

С июня 1918 г. турецкие войска совершили поход в Баку, и погромы стали носить массовый характер. Самооборона Баку, которая осуществлялась в основном армянскими силами, имела определяющее значение для христианского населения как Бакинской, так и Елизаветпольской губерний. Однако осуществить задачу самообороны нухинским и арешским армянам полностью не удалось. В июне-сентябре 1918 г. в Нухе и Ареше были организованы новые погромы. Политика истребления армян была продолжена в 1919-1920 гг. мусаватистами.

В период 1918-1920 гг. в результате погромов армян Нухи и Ареша было разорено 53 армянских селения, полностью разграблено их имущество, уничтожено множество памятников армянской культуры. Опустошенные деревни заселялись лезгинами и татарами. Из более 50000 армян жертвами стали 40000.

Summary

The Massacres of Armenians in Nukhi and Aresh Regions
and their Self-Defence in 1918 and 1920.

Gevorg Stepanyan

In Undercaucasus, especially near Koura riverside, the character of massacres of Armenians was not by chance. The young turkish wanted to carry out one of problem their Panturkish program - by violence and under the protection of Turkey to create “The Great Azerbaijan”.

Sloughter of Armenians in Nukhi and Aresh regions was a continuation of the Genocide politics of West Armenians in 1915-1916.

In June of 1918 when Turkish Army made a campaign to Baku and to massacres Armenians had already general character, self-defence of Baku which was carried out in general by Armenian force had determinative meaning both for Christian inhabitants of Baku and Yelisavetpol provinces too. However Nukhi and Aresh Armenians they couldn't carry into effect the task of self-defence. During June-September of 1918 there were organized new massacres. The politics of extermination of Armenians was continued in 1919-1920 by mausavatist.

During the period of 1918-1920 on the results of massacres of Armenians in Nukhi and Aresh 53 Armenian villages were destroyed, plundered and ravages, a lot of monuments of Armenian culture were ruined, and devastated villages were settled by lezgins and tatars. There were 50000 Armenians and 40000 of them became victims.